

# فلسفہ و اجتماعیات

## مجموعہ سی

مدیری

محمد زروت

قیاطاش لیسہ سی فلسفہ و اجتماعیات  
و تجارت مکتبی اقتصاد معلمی

مؤسی

آلہ سری

استقلال لیسہ سی مدیری  
و ادبیات معلمی

بر صلیبہ

- تربیتی قسم : فلسفہ نہ در ؟ . . . . . اورغزبانہ سعد الدینہ  
تہیجیت حقندہ . . . . . ہلمی ضیا  
اجتماعیاتہ کورہ ( بیلکی نظریہ سی ) . . . . . ہانمی منج  
بدیعیاتک موضوعی و اصولی . . . . . ضیاء الدین فخری  
دیوان ادبیاتی : کلہ لوروزنزل . . . . . آلہ سری  
اجتماعیات درسری : مقدمہ . . . . . محمد زروت  
ہندسہ نہ در ؟ ( « نہ دینقتون » دن ) . . . . . صم . الہامی  
اتحار . . . . . دورقربم  
پوتلاج . . . . . ہلمی ضیا  
تطبیقی قسم : فلسفہ و اجتماعیات پروغرامی حقندہ تکلیف . . . . . محمد زروت  
فلسفہ و اجتماعیات پروغرامری . . . . . ہانمی منج  
تحلیل و تنقید قسمی : فاوست ترجمہ سی حقندہ . . . . . ا . سی .

مجموعہ لڑدہ منتشر مہم یازیلر

ادارہ خانہ : استانبول - جنبرلی طاسہ - استقبول لیسہ سی داغلیندہ دائرہ مخصوصہ  
استانبول - مطبعہ ابوالضیا

## پوتلاج

### مقارلنك اجتماعى منائى

چوق منتشر اولان برقناغه نظر آجرم وحشتك افاده سى در؛ ابتدائى جمعيتلر ك فوضائى حياتى ، انتقام شخصى شككنده جرمه جواز ويرر . بوسطى قناعتى بعض اسكى اجتماعيات حيلرده تأييد ايتكده ايديلر . حالبوكه جمعيتك اك ابتدائى شككنده بيله آنارشى وانضباط سز لنگ موجود اولمادىغى ، بالعكس اوراده معشرى قوت و شدتك بزم ضابطه لى جمعيتلر يمز دن داها بويوك اولديغى تحقق ايتشدر . ابتدائى خصومت ، بالذات اجتماعى تشكيلات اوزرينه مستند « معشر » ك خصومتى ايدى . بز ، بومعشرى خصومته مقابل ايلك مقاله نك اساسنى دهينه فردلر آراسنده دكل ؛ قلانلر و « فراترى » لر آراسنده كى مؤسسوى براشتر ا كده كورويورز . ايشته ( پوتلاج ) ديديكمز و آمريقا هندليلرنده تصادف ايتديكمز حادثه بودر .

پوتلاج ، عائله مناسباتى ايله فراترى مناسبتنك تقاطع ايتدكلرى يرده تشكل ايتمش ، وبالا آخره زمهر لر آراسنده صلح و انطباق آلتى اولمشدر . بونكله برابر جمعيت ، مقاله نك ايلك اساسلى شكلى اولان پوتلاجه واصل اولونجه به قدار برچوق صفحه لر دن كچدى .

\*  
\*  
\*

مقاله حقنده كى اك اسكى نظريه « ربانى حقوق » اوزرينه مستنددر . سن پول و سن طومانك فكر لرى بواساسدن دوغويوردى . زه فورمه دن سو كرا حقوق طبيعیه اوزرينه مستند مقاله نظريه سى سرد ايديلدى . هوغو غروچيوسك ايلك دفعه اورتابه آتديغى بوفكر كيتد كچه انكشاف ايتدى . هوبس ، « له وياتان » اسمنده كى ارنده برنسله تبعه سى آراسنده كى مقاله دن چيقان دولت فكرى نى اورتابه قويدى . لوق طرفندن تعديل و اكال ايديلن بوفكر ژان ژاق روسوده كاله كلدى . او كا كوره جمعيتى بالذات وجوده كتيرن ، فردلر آراسنده كى مقاله در . بورايه قدار مقاله نى يا خالقه مخلوق ، معبودله قول ، حكمدارله تبعه آراسنده عقد اولونان

شکلر نده ؛ یا خودده بالذات جمعیتک مولدی اولمق اعتباریله کورویورز . فردلر آراسنده واقع اولان اقتصادی ، و حقوقی مقاله‌داها هنوز موضوع بحث دکلدنر . بومعناده مقاله‌ی آنجاق معاصر اقتصاد و حقوق علملری تدقیقه باشلادی . مقاله‌ده اساس اولان شی ، برطاقم اقتصادی و حقوقی موضوعه‌لره نظراً ایکی فرد و یا شخصیت معنویه‌نک متقابل مکلفیتلری ارادی بر صورتده قبول ایتمه‌سی در . بناءً علیه کرک مبادله و تجارت کبی اقتصادی ؛ کرک نکاح کبی حقوقی مقاله‌لرده « ضروری » عنصرک یاننده برده « حر » عنصر کورولمکده در . عرف ، عادات ، قانون کبی اساسلردن دوغان ضروری عنصرک ایلك نظرده « اجتماعی » اولدیغی کورولویورسه‌ده ، مقاله‌لرک تماماً اختیارینه تابع اولان ایکنجی فردی و حر عنصری اجتماعیانله ایضاح ایتک مشکلدنر . ایشته بونک ایچوندرکه اقتصاد و حقوق علملری اسکیدن یالکز ایکنجی عنصره اهمیت ویره‌رک مقاله‌ی فردی بر شکلده و روحیات کوزیله تدقیق ایتدکری کبی ، بو کونده حالا اونک ظاهری « حریت » ینه استناد ایدرک فردی ایضاحده اصرار ایتمکده درلر . شارل ژید ، دوکی ، یرینغ کبی مؤلفلر بونقظه‌نظری تعقیب ایدورلر . غاستون ریشارده ، اخلاقی مسؤولیتی و سربست مقاله‌ی اراده‌نک اختیاریه ایضاح ایدرک ، بونی اجتماعی معینیت و ضرورته ارجاعی غیر قابل اولان بر حال عد ایتمکده در .

حالبوکه ، دورقه‌یم اجتماعیان بونکون ، مقاله‌نک یالکز « ضروری » عنصرینی دکل ، بالذات « حر » اولان عنصرینی ده اجتماعی بر صورتده ایضاح ایتکده چالیشمقده دره .

\*  
\*  
\*

مقاله‌نک ایلك واضح اجتماعی شکلی اوله‌رق تلقی ایدیلن بوتلاج حقنده برنجی تدقیق (بو آس) طرفندن یاییدی . بو مؤلفک مختلف صفحه‌لری احتوا ایدن ایضاحلرینی ، ( فرزه‌ر ) تعقیب ایتدی . اوندن سوکرا ( باربو ) دیکرلرینی تنقید ایتک اوزره یکی ایضاحات ویردی . « آنه سوسیولوژیک » ک صوک نسخه‌سننده ( مارسل موس ) یکی وثیقه‌لر اوزرنده چالیشارق صوک تفسیری نشر ایتدی . ( داوی ) ، « عهدلی ایمان » ، « قلانلردن سلطنتلره » و « سیاسی اجتماعیات » اسمنده کی اثرلرنده بوتلاج و بوتلاجه تقدم ایدن اجتماعی مؤسسهر واسطه‌سیله مقاله‌لوی رابطه‌نک تشکنی ایضاحه چالیشدی ؛ کندیسندن اولکی مؤلفلری تنقید ایتدی . آیریجه ینه بوتلاج واسطه‌سیله فردی اقتدارک ، قیبه رئیسریله قرالر و حکمدارلرک ،

نهایت بالذات حر و طوعی اولان فردی روحك تشكلی ایضاح اولونابیله جگنی ادا ایتدی .

اوكا كوره ، توتهم دینی ناصیل اجتماعی ضرورتی و معشری مناسبتلرك تكوتی ایضاح ایدیورسه ، بوتلاج مؤسسائی ده اجتماعی حریتی و فردی مناسبتلرك تكوتی كوسترمكده ایدی .

دورقهیم ، یالکز برنجی صفحه ایله اشتغال ایدرك دیکرینی اھال ایتشدی . معقبرلی داھا زیاده ایکنجیسی ایله اوغراشدیلر . بونك ایچون فرانسز اجتماعی مملکت مزه نقل ایدن ضیا كوك آلپ بوتلاچله مشغول اولمادی . بو مسئله آنجاق صوك زمانلرده بزده دهه موضوع بحث اولمغه باشلادی . تورکیه آنترپولوژی مجموعه سنك ایکنجی نسخه سنده موسیو بونافوس ( بوتلاج ) اسمنده بر مناله یازدی .

بوتلاچدن داھا بسیط بر صورتده ، فردلر آراسنده حقوق و وظائف تقابلی افاده ایدن ایکی اجتماعی مؤسسه واردرکه اونلرده « قان اتحادی » ایله « ازدواج » در . قرابت ابتدائی جمعیتده هم عائله ، هم جمعیت رابطه سنی وجوده کتیردیکی ایچون بزم جمعیتلر یزدن داھا مهم بر رول اوینار . یالکز ، جمعیتک تملنی تشکیل ایدن بوقرابتک اساسی فیزیولوجیائی دل سری و فرضی در . معبودله سمیه افرادی آراسنده بر اشتراکی و بالنتیجه یکی اقربالر تولیدینی تضمن ایدن « قومونیون » یعنی « قوربان » ، اجتماعی مقاله رابطه سنك ایلك شكلی در .

بو صورتله سری قرابت ، بوتون حقوقی رابطه لرك ایلك انموذجی کبی کورولیور . اصل مقاله دن اول دینی حیاتده مقالولی شکللرك موجود اولدیغنه اك بویوك دلیل ، ( سمیه ) داخلنده بوتون بتی تسانده عائد حقوق و وظائفك ؛ انتقام آلمق ، اسم طاشیمق ، معین آیین و مراسمه اشتراك ایتك ، توتهم و مادر شاهك ممنوعاتنه رعایت ایتك ، عائله پدرشاهنه اشتراك ایتك وظیفه لرینك بولونماسی در . بو حقلر و وظیفه لر آموی انشعابدن عصبوی قرابته کچیددیکی زمان داھا معضل و داھا مرکب اولور . ابتدائی عائله و قرابت ، مشترک و معشری شکللرده تجلی ایدیور . فقط بوندن اصلا بر « فجور » و یا حقوقی « فوضا » معناسی چیقماز . بزه غیر طبیعی کبی کورونن بعض حاللر قواعد نقصانندن دکل ، آنجاق مختلف قواعدك یکدیگر بیله تداخلندن ایلری کلیر . بابا ایله دای نك آننه ایله عموجه نك وظائفی قطعی و صریح بر صورتده تعین ایتشدنر . مه لانیآ جمعیتلرنده عمومیتله اقربا

آراسنده حقیقی بر مناسبات قانونی موجود در . قرابت یا لکز حرمت و تساند وظیفه لرینی دکل ، عینی زمانده اقتصادی و حقوقی وظیفه لریده تضمین ایدر . فقط مقاوله رابطه سی اراده مزه تابع اولدینی حالده ، عائله مناسباتی اراده مزه تابع دکلدر . مقاوله یی یا لکز ( اراده ) ایله ایضاح ایتمک ، اوکا تقدم ایدن موضوعات و قوانینک معناسز قالماسنی موجبدر . مقاوله ، آرالرنده حقوق ووظائف دوغماسنی ایسته بنزلله برابر ویا او حقوقدن داها اول دوغاماز . بو آنجاق اونلرک حقوق ووظائفه مالک اجتماعی برهیئتک موضوعاتنه کیرمه لریده قابلدر . مقاوله شکلندن اول بونک ایچون اک مساعد وضعیت ( عائله ) در . مقاوله عینی زمانده عائله حتمک وصایتی ، ملکیت حتمک وصایتی شکلنده دوام ایتمیرمشدر ، حق ، اشخاص ایچون ایچنده بولوندقلری شرائطه نظراً قبول ایدلمش بر صفتدر . حق تغییر ایتمک ویا یاراتمق ایچون احوال وشرائطی ده کیشدیرمک لازمدر . مقاوله ده بوضورتدن خارج قالماز . ازدواجدن اول اک ابتدائی انموذج « قان اتحادی » ایدی . بو ایلمک اتحاد ، توتهمله سسمیه افرادینک اتحادندن مشتق برحالدیر ؛ وبر توتهمک قانی ، ( مانا ) سی واسطه سیله ایکی فردک قومونیون حالنه کیرمه سی در . قرابتی وجوده کترین و انتقام حسنی دوغوران قاندر ؛ انتقام حسنی قرابتک حدودینی تعیین ایدر . « دیکر برذی حیاتک آتی یرکن ویا قانی ایچرکن ، بو موجودک حیاتی و قیمتی مص اولونور » فکری ابتدائی انسانلرده بوتون اشکالیه موجوددرلر . دوشمانک قانی ایچمک وبو صورته دوست اولمق عادتی ( قبل الاسلام عربلردن قحطانیلرده ) بوندن ایلری کلیر .

دوستیه وحدت تشکیل ایتمک و اللهله وحدته کیرمک عینی شیدر ؛ بونوع قرابتک اساسی توتهمیزمدر . فردده دوغارق سسمیه نک معشریتنه سرایت ایتمز ؛ بالذات معشری روحده موجوددر . عینی زمانده هم فردده هم سسمیه ده تظاهر ایدر . منشأی معشری در . بو نوع مقاوله خصوصی بر تعهد دکل ، مشترک و ساری بر تعهددر . خلاصه ابتدائی انسانک مقاولوی مناسباتی اوچ فارقه عرض ایدر :

۱ — نفسه نظراً معشری در . ۲ — شیئه نظراً غیر معین در . ۳ — ماهیتنه نظراً دینی واجتماعیدر . بالخاصه بو اوچونجی فارقه چوق مهمدر .

ایکنجی ( عقد ) شکلی اولان ازدواج ، منشأنده اصلاً فیزیولوژیک بر مفهوم دکلدر ؛ و حقیقی بر قان اشتراکی تضمین ایتمز . حتی ، قان اشتراکیله ازدواج اشتراکی بر برینک ضدی در . قان قارده شکی بر نوع محرمیت دائره سی وجوده

کتیردیکی ایچون ، بو دائره داخلنده بولونانلرک یکدیگریله اولنمه سی ممنوعدر .  
 یامیاملغک اساسنی ده بوقان قارده شلکنده بولویورز : مقتولک آتی وقاننک ینمه سی  
 اونکله محارب آراسنده برقان اشتراکی و بالنتیجه قدسیت برلکنی تولید ایده جکی  
 ایچون ، مقتولک ( مانا ) سنک انتقامندن آنجاق بو صورتله قورونمق امکانی  
 موجوددر . یعنی یامیاملق ، محاربه اولن دوشمان روخنک باریشماسی ، اتفاق عقد  
 ایتمه سی دیمکدر .

معبود ایله قومنک قان واسطه سیله مقاوله عقد ایتمه سی اعتقادی ، یهودیلرده  
 موجوددی . موسی ، بو مراسمک واسطه سی اولدی . قوم ، قوربانک قاننده  
 ( یعنی اوقانک ایچیلمه سی و برقسمنک معبوده اتحاف ایدلمه سی صورتیه ) معبودیه  
 اشتراک ایدر . [ عیسائک اکمک ، شراب و قان مسئله سی ده بویله ] بر سیه ضبط  
 ایدیلنجه ، مغلوبلردن بریسنک قوربان ایدیلرک ، جسدک ایکی پارچه سی آراسندن  
 غالب اوردونک کچمه سی ده عینی اعتقادک نتیجه سی اولارق اتفاق وحمایه یه ، داها  
 دوغروسی اتفاق صورتیه حمایه یه دلیلدر . ایکی دوشمان قبیله آراسنده کی ازدواج ده  
 عینی صورتله اتفاق ماهیتنده در [ ایکنجی رامه سه سله هیتیت قرالی خاتوسارونک  
 حربی متعاقب ازدواج صورتیه اتفاقلری بونوع دن در . ]

اولدورمک ایله اولنمک ، بربرینک ضدی کورونهن بویکی حال ابتدائی ذهنیتده  
 عینی مقصدی افاده ایدر . موسیو ( لوازی ) ، یمین قوربانلریله اتحاد قوربانلرینی  
 تفریق ایتدکن صوکر قومونینون آینلرنده برلشدیریور ؛ و بونلری عاقدلر  
 آراسنده کی مادی - معنوی [ سری ] بروحدت اولارق تلقی ایدیور . قانی ساده جه  
 اتحادی تقویه ایدن و داها مؤثر قیلان بر عنصر عد ایدیور . حالبوکه عقد  
 بالذات اونک نتیجه سی در . ( موسی ) قوربانک قانی محرابه دوکدکن صوکر یاریسنی  
 معبوده ، دیگر یاریسنی قومنه اهدا ایدر .

ابتدائی مقاوله مناسبتی ایله بوکونکی مقاوله آراسنده اک مهم فرق ابتدائی  
 مقاوله نک آنجاق زمره داخلنده جذری بروضعیت تبدلی واسطه سیله واقع اولماسی در .  
 جذری وضعیت تبدلنی تولید ایدن ایسه یالکز قرابتدر ؛ بوده ، ابتدائی جمعیتده  
 یکانه مناسبتک قرابت مناسبتی اولماسندن در . اقربا اولمایان اجنبی در ، و اجنبی  
 دوشماندر . ابتدائی جمعیتده حرب و قان ایکی وظیفه کورور : هم انتقام آلیر ،  
 هم اتحادی وجوده کتیریر . برآدام وانده تا ( انتقام شخصی ) دن قورتولوق ایچون

منتقم عائله‌یه اولادلق ویا داماد اولارق داخل اولور . واسسالق ، حرب مناسبتی نتیجه‌سنده مغلوبه غالب آراسنده حصوله کلن برصلح اتحادی و برنوع قرابتدر . بوراده آینهله تأسیس ایدیلن رابطه ، آرتق براخوت رابطه‌سی دکل ، ابوت وولایت رابطه‌سی اولور ؛ واسسال برنوع اولادلقدر . خلاصه بوایلک مقاولوی شکلدرده مشترک اولان وصفدر شونلردن عبارتدر : اولاً - بونلر دینی - سحری یعنی « سری » درلر . قان اشتراکی بوحالی افاده ایدر . ثانیاً - براتفاق دکل بر « قومونیون » یعنی تام معناسیله اشتراکی تضمن ایدرلر . خلاصه ، ازدواجدن اولکی مقاولوی شکلری سری و « فرضی » قرابت کله‌سی آلتنده طویلا یا بیلیرز . برتوته‌مه منسوب اولانلرک فرضی قرابتنه خارجدن داخل اولمق اتحاد ، قان اشتراکی ، بنی ( اولاد ایدینه ) صورتیله اولابیلیر .

حالبوکه ( ازدواج ) ده یکی برانمودجه تصادف ایدیورز . بوده « اتفاق » نمودجی در . بوراده « قومونیون » دکل ، ساده‌جه « مناسبت » موضوع بحثدر . ازدواج اصل مقاوله شکلی اولان « پوتلاج » ه برانتقال واسطه‌سیدر . ازدواجک ایلک شکلی اتفاق صورتیله صلحدر : بوصورتله ازدواج‌ده ، بنی کبی ، ( واندەتتا ) یه نهایت ویرر . بوندن سوکرا انتقامک پاره ایله تأدییه‌سنی تمثیل ایدن ازدواج شکلی کورویورزکه بوده « صاتین آلمه صورتیله ازدواج » در . بوکونکی ازدواج شکلی [ آوروپاده قادینک دراخومه ویرمه‌سی ] بونوعدن متأثر اولمشدر ، ویا اونک پس زنده‌سیدر . ازدواج واسطه‌سیله اتحاد ، یالکز جرمی برطرف ایتمکله قالماز ، عینی زمانده زمره‌لر ویا فردلر آراسنده برتساننده وجوده کتیرر ؛ بوسمیته‌نک داخلی تساندینه مقابل ، خارجی برتساندر . ازدواجک دائمی ویا موقت شکلری اولابیلیر . ایشته بوشکلر بعض مؤلفاره ( فجور ) حادثه‌سی ویا اونک بقایاسی کبی کورونمشدرکه برخطادر . بونی اثبات ایچون بالحاصه کوچبه‌لرک قاریسنی ویا قیزی مسافره اعاره ایتمک اعتیادینی ذکر ایدرلر . ( هودیت ) بوکا مثال اولمق اوزره آوسترایاده اصل فردی ازدواجدن باشقه ، برنوع معشری ازدواج اولان « پیرورو » ازدواجندن بحث ایدیور . حالبوکه دورقه‌یم ، بونوعی فجور اولارق کورمه‌مکده وتماماً عکسنه قائل اولمقدهدر . « پیرورو » ، قبیله‌نک بوتون ارککلریله قادینلرینک سربست مناسباتی دکلدر . بالعکس سحر و دین واسطه‌سیله قطعی برقاعده‌یه ربط ایدمک اوزره فلان ارککلرله فلان قادینلرک مناسباتندن عبارتدر . ازدواجله برابر عصبوی

انشعاب سمیه داخلنده موقع آلمغه باشلار . زوجیت رابطه سی ، سمیه نك مفروض  
عائله رابطه سی برینه قرابتك اساسی اولور . ابتدائی انسانده آموی انشعاب داها  
اسکی وقوتلی ، عصبوی انشعاب ایسه یکی واعتباری در . ارکله قادینك اتحادنده  
جمعیت آنجاق شاهد اولارق مداخله ایدر . مع مافیة بومداخله ایزمدر ؛ چونکه  
عائله به تمامیتنی ویرن اونك حقوقاً مؤید اولماسیدر . ازدواج یکی برطاقم مکلفیتلر  
پاراتیر . مع مافیة قرابتك معشری مکلفیتلرینه مقابل ، بونلر فردیله شن مکلفیتلر در .  
حاصلی ، ازدواجك « مکلفیتلی رابطه لر » ی مقاوله نك اساسنی حاضرلار .  
وهستمارق اوچ ازدواج شکلی بولویوردی : ۱ - قاچیرمه صورتیه . ۲ - صاتین آلمه  
صورتیه . ۳ - جهازلی ازدواجدر . سرت ناصیل تجارته تقدم ایدر سه بونلردن برنجیسی ده  
عینی صورتیه دیکرینه تقدم ایدر . چونکه انسان انسیاقاً فجوردرن نفرت ایدر وقورقار ؛  
وبوصورتیه اوکا مانع اولور . قیز قاچیرمه انتقامی ، ازدواج ده صلحی موجب اولور .  
صلحی تأمین ایچون یاواش یاواش - تعویضات اوله رق - « صاتین آلمه » قائم اولمغه  
باشلایور .

نهایت بر قیزی صاتمہ نك حجابی حس ایدیلیر . صاتمقدن واز کچیلیر و برینه  
جهازلی ازدواج قائم اولور . [ اسلامیتده مهر ایکنجی نوعك ، جهاز اوچونجی  
نوعك ، خرسیتیانلقده دراخومه بینه اوچونجی نوعك مثالیدر . ] حالبوکه دورقه یم ،  
آوسترالیا قانلرینی تدقیق نتیجه سنده ازدواجك بو مرحله لر ی قطع ایتمه دیکنی ،  
بلکه اک ابتدائی شکلنده بیله فراتریلر آراسنده معین قواعد مربوط اولدیغنی ،  
بو قواعدكده ابتدائی جمعیت « نظامات » نی وجوده کتیردیکنی اثبات ایتدی .  
مادری صنفلر آراسنده کی ازدواج مناسبتلری ، « اغزوغامی » قانونی موجبنه  
قانلر خارچنده برطاقم انشعابلرک تولدینه سبب اولور . ارکک ، قادین طرفلری ده  
معین قانلرله ازدواج ایتک مکلفیتنده در ، بوکا رعایت ایتمه ین ارکک ویا قادین منسوب  
اولدینی قان طرفندن تجزیه ایدیلیر .

ایکی فراتری نك ازدواجنده ، متقابلاً هر ایکی طرفك ارکک وقادینلری حاضر  
بولونور . بو عینی زمانده براتفاق ، و یکدیگرینه نظراً « تابو » اولان ایکی قسمک  
برقومونیونی در . ازدواج ، انتقال جمعیتلرنده کیتدکجه فردیله شمکه باشلار . اوزمان  
هم مبادله مقاوله سی ، هم توارث مقاوله سی اولور . بو آس ، بو انتقال شکلرینی  
آوسترالیا نك قوا کیوتل قانلرنده تدقیق ایتیش ؛ ومادری مؤسسادلر پدیری مؤسساه



انتقال حالده اولدقلرینی مشاهده ایتشدرد . بو تدقیقات کوستریورکه بو جمعیتلرده زوجک وظیفه سی چوجوغنی تولید ایتک و مادری حقوقی نسلنه نقل ایله مکدر . کندیسسی هیچ برحقوقه صاحب اولماز ؛ آنجاق اونلری اولادینه نقل ایدر . او ، اموی توارثک واسطه سیدر . ازدواج ائناسنده قاین پدره ویردیکی پاره زوجهنک بیع پاره سی دکلدرد ؛ بوبالعکس برنوع کفالت آقچه سیدر . مأمور ناصیل برایشی قبول ایدرکن مسئولیتک تأمیناتی اولمق اوزره کفالت آقچه سی ویررسه ، زوجده اوله نیرکن نقلی درعهده ایتدیکی ارثیتک مسئولیتنی قبول ایچون بو کفالتی ویرر . فقط چوجوقلری دوغدقن صوکرآ ارتق مسئولیت بیتهر ؛ کفالت آقچه سنک حکمت وجودی ده زائل اولور . ازدواج بوراده بر واسطه در ؛ ارثیتک خدمتنده قولانیلان وبلا آخره مقاله اولاجق اولان بر « واسطه » دن عبارتدر . بومدنیتلرده ازدواج بر مقاله اولمقنن زیاده ، مقاله بر ازدواجدر .

قیزی اولندیرن بر بابانک غایه سی کندیسنه زوجه سندن انتقال ایدن عنوانلری و علامتلی قیزینک چوجوغنه نقل ایتکدر . قوا کیوتل مدینتی ، کرک سلسله مراتبی ورثیسک موقعیه ؛ کرکسه فعلی ملکیت ، بالقوه وفخری ملکیت اولمق اوزره ایکی نوع ملکیت قبول ایتمه سیله ماهیه قودالدر .

بونوع جمعیتلرک ازدواجنده اولا ، داماده تعلق ایدن « اچاره » لری کورویوروز . ازدواجک بر صلح ووافق واسطه سی اولماسی ، جنسیتلر وبالنتیجه سمیه لر وفراتریلر آراسنده کی خصومتی قالدیرماسی اعتباریله « مقالولی » وصفی تمامیه کوزوکویور . یالکز بوراده کی ازدواجده آرالرنده معشری بر مقاله یانیلان ایکی زمرة قارشى قارشى یه در . زوجهنک غصب صورتیه آلماسی زمانندن قالمه بریس زنده اولان « آتش اوردالی » [ ۱ ] سی بو مدنیتده دوام ایتکده در . رئیس ازدواج مراسمنده دعوتلیلره سلاح دکل ، بلسکه ماسکه و تزینات ، البسه سوسلری داغیتیر .

عائله دن صوکرآ ، ایلک مقاله شکللی ( بوتلاج ) در . ازدواج ، هر نه قادر بوتلاجک خصوصی برشکلی دکلسه ده ، دائما بوتلاچله مترافقدر . بری ، جنسین آراسنده دیکری عمومیتله فراتریلر آراسنده خصومتک ازاله سنه متوجهدر . بوتلاچسز ازدواج اولاماز ؛ فقط ازدواجسز بوتلاج اولابیلیر . مطلق مساواته مستند

[ ۱ ] اوردالی : ابتدائی جرم تعیینی شکلی درکه ، مثلا ایکی کشی دن هانکیسنک مجرم اولدیغنی تعیین ایچون بر چاموره آتارلر ، هانکیسی اول باطارسه اونک حقسنزلفنه حکم ایدرلر . ( لهوی برول : ابتدائی ذهنیت . اوردالی فصلی )

توتهم دینی داخلنده ظهور ایدن ؛ فردیتک ، عدم مساواتک ، حریت وتبدلک اساسی اولان پوتلاچ مختلف مؤلفار طرفندن آری آری تفسیر وتعریف ایدلمشدر : موسیو ( بوآس ) ، اولابونی اقتصادی بر مؤسسسه اولارق کوستردی . فقط دها صوکراده اونی « مکفیتلر تقابلی » اولارق تعریفه چالیشدی . ( فردهر ) ، پوتلاچی مبادله فکرینک ترقیسیله ، اعتباری معامله نك وپاره نك ظهوریله ایضاح ایتمک ایسته دی . بو حادثه نك عینی زمانده حقوقی بر معناسی اولدیغنی ، ایلك دفعه موسیو ( باریو ) ایلری به سورمشدر :

بومؤلفه کوره پوتلاچ ، توتهملی جمعیتلرده انکشاف ایدر ، بر آیین ویا بایرام اناسنده ، متقابلاً حاضر بولنان ایکی زمره آراسنده کی مشروع مکلفیتلردن عبارتدر . نهایت پوتلاچک ، اجتماعی ودینی معناسنی آنجاق صوک زمانلرده موسیو ( مارسل موس ) ایضاحه موفق اولدی . اوکا کوره ، پوتلاچی یالکز اقتصادی بر حادثه تلقی ایتمک ماهیتنی ده کیشدیر مکدر . او عینی زمانده دینی ، حقوقی ، بدیعی واقتصادی در . تولد ، ازدواج ، جمعیته دخول ، اولوم ، بدن دامغاسی ، مزاره وضع مراسمی ، حاصلی فردک حیاتنده کی هر تغیر پوتلاچ ایچون بر بهانه در . رئیس بر او یایدیر اجنی زمان پوتلاچ ویرر . بایرام ، بر پوتلاچدر . بومؤسسسه نك فراتریلر ویا قلانلر آراسنده ، بر فراتری ویا قلان داخلنده مختلف شکللرینه تصادف ایدیلور . بوشکللر یزه ، حادثه نك مختلف تکامل صفحه لرینی کوسترمکده در .

پوتلاچک اک ابتدئی شکلنه ( تلینکیت ) قبیله لرینده تصادف ایدیورزه بونلرده ، ایکی فراتری آراسنده کی اجتماعی مناسباتی وبومناسباتک مجبوریتنی افاده ایدن بر تعیر وارکه ، بوده « حرمت ایتدیرمک » در . ایکی فراتری آراسنده کی ازدواجده ، او انشاسی خصوصنده ، چوجوقلرک قولاق ودوداقلرینی ده ملک ایچون ، چوجوقلری جمعیته ادخال ایچون ، جنازه آلایی ایچون « حرمت ابراز ایتمک » مجبوریتیه متقابل فراتریلر مراسمده حاضر بولونورلر . ( وارامونغا ) لرده ده ، ایکی فراتری آراسنده کی پوتلاچ شکلی دوام ایتمکده در . فقط ( هاید ) و ( قوا کیوتل ) قبیله لرینده پوتلاچ آرتق فراتری نك داخلنه کیریور : رئیس کندی قلاننه ، و عینی فراتری نك قلانلرینه پوتلاچ ویرمکده در . بو انتقال کیفیتنی ایکی مهم حادثه ایله همزماندر : پری اموی انشعابدن ، عصبوی انشعابه کچیش ؛ دیکری توتهملی بعضی دن طوپراغه مربوط اولان بعضی به کچیشدر . یالکز شو قادار وارکه ،

نه مادری قلانلریرینه جمعیت داخلنده بابانك اجتماعی بر قیمت قازانماسنی ؛ نه ده توتهملك طوپراغه باغلانارق ارضی تشکیلاتی تأسیس ایتمهسنی پوتلاجك سببی ، علتی عد ایدمهیز . چونکه ، بواوچ نوع حادثه آراسنده آنجاق همزمانیت واردر . هر اوچنده ده مشترک اولان وصف اجتماعی ضرورت داخلنده حریتك ، جمعیت داخلنده فردك ظهوری در . اقتدارك قادیندن ارککه انتقالنی بر آن ایچون علت اولارق قبول ایتسهك بیله ، بوانتقالك نهدن دولایی حصوله کلدیکنی - فردی عاملی ایشه مداخله ایتدیرمکسزین - ایضاح ایتهمزه امکان یوقدر . دیگر جهتدن بالذات پوتلاجچی ده ، فردیتك تشکلهنده علت اولارق کورمك مشکدر . فی الحقیقه ، ارثیت یرینه رقابتك ، عنعنه یرینه شرف قزانمق آرزوسندن دوغان حربرمجادلهنك قائم اولماسنه آنجاق پوتلاج داخلنده شاهد اولیورز . فقط بو حادثه ، مبدأنده بویله بر حریتی متضمن دلدی . ایچریسنده مطلق مساوات حاکم اولان ایکی فراری آراسنده کی پوتلاجچه ، بر زمره داخلنده رئیسك کندی قلاننه ویردیکی پوتلاج آراسنده بویوک فرق واردر . بوفرقی ، بسیط برتکامل ایله ایضاح ایتمك امکانسزدر . چونکه زمره داخلنده پوتلاجك ویريله بیلیمهسی ایچون ، اول امرده رئیسك موجود اولماسی لازم کلیر . حالبوکه ، بعضی اجتماعیاتچیلر پوتلاجچه کوردیکمز بوانتقاله ، بالذات فردك ظهورینی ، رئیسك تشکلنی ایضاح ایدن بر حادثه نظریله باقمقده درلر . هایدالرده رئیس ، « شهرتی آرتدیرمق واجتماعی مرتبهده یوکسلمك » مقصدیله پوتلاج یاپار . بوقیلهلرده اک مهم آیین ( والغال ) پوتلاجچی دره بو ، رئیسك کندی قلائی افرادینه ویردیکی بویوک بریاغما ضیافتی در . مراسم ، پوتلاجچی ویره ن رئیسه شرفلی یکی براسم بخش ایدهجك ، وبوده کندیسنك شهرت واقتدارینی آرتدیراجقدر . هایدا پوتلاجچنك دیگر بر فرقی ده « عدم مساوات » اساسیدر . بوعادتنا ، برقتودالیته ( دره بلكك ) مقاوله سیدر . کورولیورکه بو ، ایکنجی نوع پوتلاج بزه اساساً موجود اولان فردك نه صورتله اقتدارینی آرتدیردیغنی ایضاح ایتکده در .

توتهملی تعضی یه مالک اولان قلانلرده بوتون فردلرک مساوی ، « مانا » نك معشری واجتماعی اولدیغنی کیفیتنی ؛ فرانسز اجتماعیات مکتبنك اک قوتلی بولوشلرندن بریسی در . دیگر جهتدن بو ایکنجی نوع پوتلاجچده مساواتسزلغك ؛ فردیتك دوغدیغنی آشکاردر . ایشه بوسیدن ؛ بعضی اجتماعیاتچیلر پوتلاجچی فردك ظهورنده

علت اولارق کورمکده استعجال ایتشلردر . حالبوکه ؛ ایکی اجتماعی زمره آراسنده کی اساسی خصوصتک بر نتیجه سی اولان « یکدیگرینه حرمت ابراز ایتک مجبورتی » متقابلاً مال یاغمالامق ؛ شرف قازانمق ؛ اک چوق مال یاغمالا یا بیلیمک ایچون اک فضله تصرف ایتک و بریکدیگر مکی موجب اولسه بیله ؛ بو صورتله تولد ایده جک شرف - نه قادر بویوک اولورسه اولسون - ینه معشری اولارق قلاجق ؛ پوتلاج ایچون پایلان تصرفدن متولد « ملکیت » ده عینله عمومه عائد اولاجقدر . خلاصه ؛ معشری پوتلاجدن فردی پوتلاجه انتقال ، آنجاق فردک آریجه قبول ایدیلسیله قابل ایضاحدر .

والغال پوتلاجیله ؛ سینتقا پوتلاجی آراسنده کی فرق ؛ برنجینک یا لکز « حرمت ایتدیرمک » پرهنسینی قلانک داخلنه صوقماسنده دکل ، عینی زمانده سلسله مراتب وعدم مساواتی میدانه کتیرمه سنده ؛ عنعنه نیک قارشیسندنه تجدد ، موازنه و استاتوقونک قارشیسندنه تبدله امکان ویرمه سنده در . شو حالده بز ، پوتلاجک بوتکاملنی ، تکوونی اجتماعیاتده چوق مهم برحادثه اولارق قید ایتیمکله برابر ؛ اوکا لزومندن فضله اهمیت عطف ایتیه جکمز ، پوتلاجک تکاملی فردی ایضاح ایتمز ؛ بلکه فردی عاملک تداخلی پوتلاجک تکاملنی ایضاح ایدر . اوزم نظریمزده ، مبادله و عقدک اجتماعی منشائی در . آنجاق ، جریانی اثناسنده مداخله ایده رک سیرینی تبدیل ایدن ، اوکا حریت و طوعیت ویردن پسیقولوژیک عامل نظر اعتباره آلمیه جق اولورسه ؛ بومبادله و عقد ، برنجی شکلده کی پوتلاجده اوکا تقدم ایدن قان ، ازدواج رابطه لرنده اولدینی کی معشری و ضروری اولارق قالیر .

ایکنجی شکلده کی پوتلاجده ، اجتماعی نظامی تعیین ایدن آرتق ارثیت دکل رقابت در . بونک اک بازار مثالی ( قواکیوتل ) قبیله لرنده کورویورز : رئیس ، مراسم اثناسنده برباقیر پارچه سنی قیرار ، برصاندال تخریب ایدر ، اورتولری یا قار . وبوصورتله بو ثروتک نظر نده هیچ براهیتی اولمادیغنی کوسترمک ایستر . شاید رقیبی - اصغری - مساوی درجه ده مال تخریب ایده مه مشسه ، اسمی « قیریلش » دیمکدر . قلان داخلنده کی امتیازلری غالبه انتقال ایدر . دیکر بر مثال : برضیافت ویریلیر ، صرف ایدیلن یمک تخریب ایدیله جک ثروت یرینه کچر ، قابل یاغمالانیر . و رقیبی عینی جنسندن برضیافت ویرمکه مجبور ایدر . هر ایکی مثالده ده ، قدرت قازانمق ایچون رقابت و مجادله یه کیردن رئیسار برر برر صحنه دن چکیلیر لر . نهایت غلبه موقعنده تک

بر رئیس قالیر . قاراخانیرله بویوک سلچوقیلرده بوشکله تصادف ایدیوروز . آنادولو دوکونلرنده کی مال یاغمالامق و ضیافتده برنوع بوتلاچدر . برنجی شکلده کی « حرمت ایتدیرمک » مبدائتک برینه ایکنجی شکلده « میدان او قومق » قائم اولمشدر . برنجی قاعده زمهرلر آراسنده مساواتی تأمینه یارادیغی حالده ، ایکنجیسی بالعکس اونی قالدیرمغه متوجهدر . مع مافیله بوتلاچک کرک معشری ، کرک فردی اولان شکلرنده اقتصادی و حقوقی « عقد » مفهومک نوهسنی کورویوروز : بر طرف برشی یاغمالیدنجه ، قارشى طرف ایچون مقابله ایتک « بورج » در . ایشته بوبورج فکرینک تشطلی ، مقاوله نك اساسیدر .

بختی ا کمال ایچون شونقطه بی ده قید ایتک لازمدر : بوتلاچک تکاملده ، بزداثما انتقال حالنده کی جمعیتلرده تصادف ایدیوروز . بو جمعیتلر اموی انشعابدن عصبوی انشعابه ؛ تونه ملی تعضی دن ارضی تعضی یه کچمکده درلر . اسکی تشکیلاتلرینی غیب ایتک اوزره اولدقلری حالده ؛ یکیلرینی تامامیله قازانامامشدر . اجتماعی رابطه لری انحلالی زماننده فردی عاملک نه صورتله مداخله امکانی قازاندیغی ، بو حالده بزه کو سترمکده در .

استانبول ارکک لیسسه سی فلسفه و اجتماعیات معلمی

صلحی ضیا

